



მუშათა და გლეხთა მთავრობის

კანონთა და განკარგულებათა კრებული

სახალხო კომისართა საბჭოს და ეკონომიური საბჭოს
საქმეთა მმართველობის გამოცემა

1935 წ. ივნისის 10.

№ 14

ტფილისი

შ ი ნ ა რ ს ი

სახალხო მეურნეობის საერთო საკითხები.

ფ ი ნ ა ნ ს ე ბ ი.

71. მატერიალური ბალანსებისა და მასალა-წყობილობის განაწილების გეგმების შედგენის სის შესახებ.

77. ამიერკავკასიის სატყეო-სატექნიკო ინსტიტუტისათვის და ტფილისის სატყეო-სატრანსპორტო ტექნიკუმისათვის გრძელვადიან სარგებლობაში გადაცემული ტყის ფართობებიდან მიღებული სატყეო შემოსავლის გამოყენების წესის შესახებ.

72. სამზომო ხელსაწყოების სავალდებულო ლაბალი დადაღვის შესახებ.

78. 1935 წელს სრულიად საქავშირო სააკციო საზოგადოება „ინტურისტის“ ყველა ადგილობრივი გადასახადისა და გამოსაღებისაგან განათავისუფლების შესახებ.

73. საზომ-საწონი ხელსაწყოების პასპორტიზაციის ჩატარების შესახებ.

მ შ ე ნ ე ლ ო ბ ა.

შ რ ო მ ა.

74. ქალაქების ტერიტორიაზე განსახორციელებელი მშენებლობის ობიექტთა პროექტების ნიხივის წესის შესახებ.

79. სტიქიურ უბედურებასთან საბრძოლველად შრომის ბეგარის დაწესების თაობაზე გამოცემული დადგენილების 18 მუხლისათვის „ე“ პუნქტისა და მეორე ნაწილის დამატების შესახებ.

მიწა, ტყე, წყალი. სოფლის მეურნეობა.

გ ა ნ ა თ ლ ე ბ ა.

75. საქართველოს სსრ მიწათმოქმედების სახალხო კომისარიატის საბჭოთა მეურნეობების რესტის („სამტრესტის“) რეორგანიზაციის შედეგად.

80. ბავშვთა შორის სკოლაგარეშე კულტურულ-მასობრივი მუშაობის შესახებ.

კომუნალური და საბინაო მეურნეობა.

76. საბინაო-საიჯარო კოოპერაციის სახლთა მეურნეობაში სამეურნეო ანგარიშის საფუძვლედ განმტკიცებისა და სახსართა შექმნის და დრუვის წესის შესახებ.





სახალხო მეურნეობის საერთო საკითხები

//3

71. დადგენილება ს. კ. ს.

მატერიალური ბალანსებისა და მასალა-მოწყობილობის განაწილების გეგმების შედგენის წესის შესახებ.

„მატერიალური ბალანსებისა და მასალა-მოწყობილობის განაწილების გეგმების შედგენის წესის შესახებ“ გამოცემული სსრ კავშირის სახალხო კომისართ საბჭოს 1934 წ. სექტემბრის 8-ის № 2078 და ა/კსუსრ სახალხო კომისართ საბჭოს 1935 წ. იანვრის 3-ის № 3 დადგენილებების შესაბამისად, საქართველოს სსრ სახალხო კომისართა საბჭო ადგენს:

1. დაეკისროს საქართველოს სსრ სახელმწიფო საგეგმო კომისიას წლიური და კვარტალური ბალანსებისა და საქართველოს სსრ სახალხო მეურნეობის მასალებითა და მოწყობილობით მომარაგების გეგმების შედგენა და აგრეთვე ამ მასალა-მოწყობილობის განაწილება სათანადო პროექტების წარმოდგენით სახალხო კომისართა საბჭოსათვის დასამტკიცებლად.

2. ამა დადგენილების 1-ლ მუხლში აღნიშნული ფუნქციების განსახორციელებლად საქართველოს სსრ სახელმწიფო საგეგმო კომისიასთან მოეწყოს მატერიალურ ბალანსთა სექტორი, ხოლო საშენ მასალათა განმანაწილებელი კომისია საქართველოს სსრ ეკონომიურ საბჭოსთან გაუქმებულ იქნას.

მიენდოს საქართველოს სსრ სახელმწიფო საგეგმო კომისიას წარმოუდგინოს სახალხო კომისართა საბჭოს დასამტკიცებლად აღნიშნული სექტორის შტატი, შეთანხმებული ფინანსთა სახალხო კომისარიატთან.

საქ. სსრ ს. კ. ს.-ის თავმჯდომარის მოადგ. ბ. მდივანი.

საქ. სსრ ს. კ. ს.-ის საქმეთა მმართველის თან. გ. ლუნკევიჩი.

1935 წ. იანვრის 10. № 24.

ტფილისი.

72. დადგენილება ს. კ. ს.

სამზომო ხელსაწყოების სავალდებულო ხელახალი დადადვის შესახებ.

„სამზომ საწონთა შესახებ“ გამოცემული, სსრ კავშირის ცენტრალური აღმასრულებელი კომიტეტისა და სახალხო კომისართა საბჭოს 1934 წ. სექტემბრის 9-ის დადგენილების შესაბამისად (სსრკ კან. კრ. 1934 წ. 45 №-ი, მუხ. 357) საქართველოს სსრ სახალხო კომისართა საბჭო ადგენს:

1. რათა უზრუნველყოფილ იქნას წესიერი მდგომარეობა და ზუსტი მაჩვენებლობა იმ სამზომო ხელსაწყოებისა, რომელთა შემოწმება და დადაღვა სავალდებულოა (სასწორი, საწონი, მეტრი და სხვა სამზომო ხელსაწყო), ჩატარებულ

ნის საქართველოს სსრ ტერიტორიაზე განმეორებითი სავალდებულო ხელახალი დადგენილება ზემოაღნიშნულ სამზომო ხელსაწყოებისა, რომელთაც აქვთ 1933 წლისა წინა წლების დადგენილები და რომლებიც გამოიყენება სახალხო მეურნეობის აღდგენის და დარგში და კერძო პირების მიერ.

შენიშვნა. მანომეტრებს, ვაკუუმმეტრებს, მანოვაკუუმმეტრებს, პურეულის პურკებს, სამედიცინო თერმომეტრებს და სხვა სამზომო ხელსაწყოებს, რომელთა დადადგენის ვადაც ყოველწლიურია, ხელახლად უნდა დაესვას დალი, მიუხედავად 1934 წლის დალისა.

2. საქართველოს სსრ-ში ყველა ზემოაღნიშნული სამზომო ხელსაწყოების ხელახალი დადადგენის საბოლოო ვადად დადგენილ იქნას 1935 წლის აგვისტოს 15; ამასთანავე, ხელახალი დადადგენის ვადას ცალკეულ რაიონებში განსაზღვრავს უშუალოდ სსრ კავშირის საზომ-საწონთა ცენტრალური სამმართველოს რწმუნებული საქართველოს სსრ-ში; სათანადო სარაიონო აღმასრულებელ კომიტეტებს და საქალაქო საბჭოებს ეს ვადა უნდა ეცნობოს არა უგვიანეს, ვიდრე ერთი თვით ადრე მათთვის დადგენილი ვადის გასვლამდე.

3. ამა დადგენილების 1-ლ მუხლში აღნიშნული, სამზომო ხელსაწყოების ხელახალი დადადგენის განსაზღვრვის მიზნით, ყველა საწარმო, დაწესებულება, ორგანიზაცია და კერძო პირი მოვალეა წარუდგინოს თავისი სამზომო ხელსაწყოები, არა უგვიანეს თვითთელი რაიონისათვის დანიშნული ვადისა, სსრ კავშირის საზომ-საწონთა ცენტრალური სამმართველოს რწმუნებულის (საქართველოს სსრ-ში) სამმართველოს (ტფილისი, ჯუღაშვილის ქუჩა, № 18) და სასტაციონარო განყოფილებებს: ბათუმში (ორჯონიკიძის ქუჩა, № 3), ქუთაისში (მე-III ინტერნაციონალის ქუჩა, № 66) და სოხუმში (ლიბკნეხტის ქუჩა, № 27), ან უბრალოდ სარაიონთაშორისო განყოფილებებს, რომელთა სამყოფელი ადგილი და გახსნის ვადა ნაჩვენებია უნდა იქნას სარაიონო აღმასრულებელი კომიტეტებისა და საქალაქო საბჭოების სათანადო დადგენილებით.

შენიშვნა 1. საძირკველზე დაუმდგარი დიდრონი ხელსაწყოების (სავაგონო სასწორი, ტვირთსაზიდავების სასწორი, სავაგონეტო სასწორი და სხვ.) შემოწმება მოხდება იმ ადგილსავე, სადაც ეს ხელსაწყოებია დადგმული, რისთვისაც ამ ხელსაწყოების გამოიყენებელმა საწარმომ, დაწესებულებამ და ორგანიზაციამ უნდა გამოიწვიოს სსრ კავშირის საზომ-საწონთა ცენტრალური სამმართველოს რწმუნებულის (საქართველოს სსრ-ში) წარმომადგენელი ამ ხელსაწყოების შესამოწმებლად.

შენიშვნა 2. ის სამზომო ხელსაწყო, რომელიც აშკარად საჭიროებს რემონტს ან იძლევა არასწორ ჩვენებას, უნდა წარიგზავნოს სარემონტოდ სათანადო სარემონტო სახელოსნოში.

4. დევალოს სარაიონო აღმასრულებელ კომიტეტებს და საქალაქო საბჭოებს—გამოსცენ, სსრ კავშირის საზომ-საწონთა ცენტრალური სამმართველოს რწმუნებულის (საქართველოს სსრ-ში) მიერ დაწესებული ვადების შესა

ბამისად, სათანადო დადგენილებანი, რომლებითაც დაევალება ყველა საწარმოო დაწესებულებას, ორგანიზაციას და კერძო პირს წარადგინოს სამუშაო ხელსაწყოები აღნიშნულ ვადაზე დროებითი განყოფილების სამყოფელ ადგილას.

5. ყველა საწარმო, დაწესებულება, ორგანიზაცია და კერძო პირი მოვალეა დაუბრკოლებლად მიუშვას სსრ კავშირის საზომ-საწონთა ცენტრალური სამმართველოს რწმუნებულის (საქართველოს სსრ-ში) ან მისი სარაიონთაშორისო განყოფილების წარმომადგენელი მის ხელთქონებული სამუშაო ხელსაწყოების დასათვალისწინებლად და შესამოწმებლად, გაუწიოს-რა, ამასთანავე, ხსენებულ წარმომადგენელს დახმარება და წარუდგინოს საჭირო ცნობები.

6. ამა დადგენილების დარღვევისათვის დამნაშავე პირს დაედება საადმინისტრაციო წესით ჯარიმა 300 მანეთამდე (სსრკ კან. კრ. 1935 წ. № 6. მუხ. 47; მუხ. 2, პ. „ბ“).

7. მეთვალეურობა ამა დადგენილების აღსრულებისათვის ეკისრებათ სსრ კავშირის საზომ-საწონთა ცენტრალური სამმართველოს რწმუნებულს საქართველოს სსრ-ში და მის სარაიონთაშორისო რწმუნებულებს, სავაჭრო ინსპექციის ორგანოებს და საწარმოთა და ორგანიზაციათა ხელმძღვანელებს.

საქ. სსრ ს. კ. ს-ოს თავმჯდომარე გ. მგალობლიშვილი.

საქ. სსრ ს. კ. ს-ოს საქმეთა მმართველი ა. ქავთარაძე.

1935 წ. მარტის 19. № 363.
ტფილისი.

73. დადგენილება ს.კ.ს.

საზომ-საწონი ხელსაწყოების პასპორტიზაციის ჩატარების შესახებ.

„სამუშაო ხელსაწყოების სავალდებულო ხელახალი დადაღვის შესახებ“ გამოცემული, საქართველოს სსრ სახალხო კომისართა საბჭოს 1935 წ. მარტის 19-ის თარიღისა და 363 №-ის დადგენილების დასამატებლად საქართველოს სსრ სახალხო კომისართა საბჭო ადგენს:

1. დაევალოს საქართველოს სსრ ტერიტორიაზე მყოფ ყველა სახელმწიფო, კოოპერატიულ და საზოგადოებრივ სამრეწველო და სავაჭრო ორგანიზაციას, რომელიც იყენებს საზომ-საწონ ხელსაწყოს, ჩაატაროს 1935 წ. მაისის 15-მდე თავის სისტემაში საექსპლოატაციოდ ხმარებული საზომ-საწონის პასპორტიზაცია.

2. საზომ-საწონთა პასპორტიზაცია ჩატარებულ უნდა იქნას სსრ კავშირის საზომ-საწონთა ცენტრალური სამმართველოს მიერ დამტკიცებული პასპორტიზაციის ერთიანი ნიმუშის მიხედვით.

3. დაევალოს საზომ-საწონ ხელსაწყოთა გამომყენებელ ორგანიზაციებს—გამოფინონ იმ ადგილას, სადაც საზომ-საწონი ხელსაწყოებია, სასტანდარტ ნიმუშის ცხრილები, ამ ცხრილებზე საზომ-საწონთათვის პასუხისმგებელ პირთა გვარების აღნიშვნით.

4. საზომ-საწონ ხელსაწყოთა პასპორტიზაციის ჩატარებისათვის საჭირო მთელი მუშაობა და ორგანიზაციებისათვის პასპორტებისა და სასტანდარტო ცხრილების მიწოდება დაეკისროს თავდაცვა-ავიაქიმის ამიერკავკასიის საგზაო-სატრანსპორტო განყოფილებას, დაევალოს-რა მას წარუდგინოს საზომ-საწონთა ცენტრალური სამმართველოს რწმუნებულს საქართველოს სსრ-ში ყველა ცნობა ჩასატარებელი მუშაობისა და მისი შედეგების შესახებ.

5. თავდაცვა-ავიაქიმის ამიერკავკასიის საგზაო-სატრანსპორტო განყოფილება მოვალეა შეუდგეს ამა დადგენილების განხორციელებას არა უგვიანეს 1935 წ. აპრილის 15-ისა, საზომ-საწონთა ცენტრალური სამმართველოს რწმუნებულის (საქ. სსრ-ში) უშუალო საერთო ხელმძღვანელობით.

6. კონტროლი და შეთვალეურობა ამა დადგენილების აღსრულებისათვის დაეკისროს საზომ-საწონთა ცენტრალური სამმართველოს რწმუნებულს საქართველოს სსრ-ში.

7. ამა დადგენილების დარღვევისათვის დამნაშავეს დაედება საადმინისტრაციო წესით ჯარიმა 300 მანეთამდე. (სსრკ კან. კრ. 1935 წ. № 6. მუხ. 47; მუხ. 21, პ. „ბ“).

საქ. სსრ ს.კ.ს-ის თავმჯდომარე გ. მაგალობლიშვილი.

საქ. სსრ ს.კ.ს-ის საქმეთა მმართველის მოადგ. გ. თათიშვილი.

1935 აპრილის 7. № 463.

თბილისი.

გამოქვეყნებულია გაზ. „კომუნისტის“ 100 №-ში 1935 წ. აპრილის 28.

მ შ ე ნ ე ბ ლ ო ბ ა

74. დადგენილება ს.კ.ს.

ქალაქების ტერიტორიაზე განსახორციელებელი მშენებლობის ობიექტთა პროექტების განხილვის წესის შესახებ.

„რესპუბლიკანური და ადგილობრივი მნიშვნელობის მქონე კაპიტალური მშენებლობის სატიტულო სიების, პროექტების და ხარჯთაღრიცხვების დამტკიცების წესის შესახებ“ გამოცემული, საქართველოს სსრ სახალხო კომისართა საბჭოს 1934 წ. დეკემბრის 16-ის დადგენილების დასამატებლად (სსრკ კან. კრ. 1935 წ. 1-ლი №-ი, მუხ. მე-3), საქართველოს სსრ სახალხო კომისართა საბჭო ადგენს:

1. დაწესებულ იქნას, რომ ქალაქების ტერიტორიაზე განსახორციელებელი მშენებლობის ყველა ობიექტის ტექნიკური პროექტი, ვიდრე იგი დამტკიცდებოდეს კანონით გათვალისწინებული წესისამებრ, აუცილებლად შეთანხმებულ უნდა იქნას სათანადო საქალაქო საბჭოსთან იმ მხრით, თუ რამდენად შესაბამეა ეს პროექტი გენერალურ გეგმას და რამდენად შესაფერისია საარქიტექტურო-სამხატვრო გაფორმება.

2. ქალაქების ტერიტორიაზე განსახორციელებელი ინდივიდუალური ბინათმშენებლობის ობიექტთა ტექნიკური პროექტების დამტკიცება დაეკისროს სათანადო საქალაქო საბჭოებს და სარაიონო აღმასრულებელ კომიტეტებს.

საქ. სსრ ს.კ.ს-ის თავმჯდომარე გ. შვალბლიშვილი.

საქ. სსრ ს.კ.ს-ის საქმეთა მმართველი ა. ქავთარაძე.

1935 წ. მარტის 15. № 332.

ტფილისი.

მიწა, ტყე, წყალი. სოფლის მეურნეობა.

75. დადგენილება ს.კ.ს

352.1

საქართველოს სსრ მიწათმოქმედების სახალხო კომისარიატის საბჭოთა მეურნეობების ტრესტის („სამტრესტის“) რეორგანიზაციის შესახებ.

საქართველოს სსრ მიწათმოქმედების სახალხო კომისარიატის სისტემის საბჭოთა მეურნეობების ხელმძღვანელობის გაუფუძვლებების მიზნით, საქართველოს სსრ სახალხო კომისართა საბჭო ადგენს:

1. საბჭოთა მეურნეობების ტრესტი „სამტრესტი“ დაწვრილებულ იქნას სადარგო ნიშნების მიხედვით, და მოეწყოს მის ბაზაზე საქართველოს სსრ მიწათმოქმედების სახალხო კომისარიატის სისტემაში: ა) მევენახეობა-მეხილეობის საბჭოთა მეურნეობების ტრესტი, მისთვის „სამტრესტის“ სახელწოდების შენარჩუნებით, და ბ) მეცხოველეობის საბჭოთა მეურნეობების ტრესტი.

2. მეცხოველეობის საბჭოთა მეურნეობების ტრესტის შედგენილობაში მოთავსებულ იქნას შემდეგი საბჭოთა მეურნეობანი:

ა) მეცხოველეობის საბჭოთა მეურნეობანი: ბაშკირეთისა, ყარაბულახისა, ბოგდანოვკისა, ახალქალაქისა, „ნორიო“, ციხისჯვარისა, ელდარისა, „უდაბნო“, ძველი-სენაკისა და „ინტერნაციონალი“;

ბ) შირაქის და ალაზნის მეცხოველეობა-მემინდვრობის საბჭოთა მეურნეობანი, აგრეთვე მეცხოველეობის ზონალური სადგური.

3. მევენახეობა-მეხილეობის საბჭოთა მეურნეობების ტრესტის „სამტრესტის“ შედგენილობაში მოთავსებულ იქნას შემდეგი საბჭოთა მეურნეობანი, დამზადებული პუნქტები, სამრეწველო და სავაჭრო საწარმოები და სამეცნიერო და სასწავლო დაწესებულებანი:

ა) მევენახეობის საბჭოთა მეურნეობანი: წინანდლისა, ნაფარეულისა, მუკუნისა, კარდანახისა, ყვარლისა, ხირისისა, მანავისა, კუკლარისა, გიაურ-არხისა, ალაიანისა, კვერნაკისა, ვაჩევისა, არგვეთისა, ვარციხისა, ვახისუბნისა, მუხრანისა, სალხინოს და ბახვისა;

ბ) ხილბოსტნეულის საბჭოთა მეურნეობანი: ბრეთისა, ვარიანისა, ვარკეთილისა, ნისისა, ბებნისისა, მერეთისა, ახალსოფლისა, ანაკლიისა, იანეთისა, ჩაქვისა და ყარაიას;

გ) დამშაადებელი პუნქტები: გურჯაანისა, ზესტაფონისა, ჩხარისა, ხორაგოლისა, სიღნაღისა თელავისა, ყვარლისა, ბაღდადისა, ვანისა, და ქუთაისისა;

დ) სამრეწველო საწარმონი: ღვინის ქარხანა № 1 და 2, შამპანურის ქარხანა № 3, კონიაკ-ლიქიორის ქარხანა № 4, არყის ქარხანა № 5, სარეკტიფიკაციო ქარხანა „ქაქა“ № 6, სპირტსახდელი ქარხანა გომში, ძმრის ქარხანა, ხე-ტყის სახერხი ქარხანა და აგურის ქარხანა;

ე) სავაჭრო საწარმონი: მოსკოვისა, ბაქოს, როსტოვისა, ორჯონიკიძისა, ოდესისა, კიევისა და შუა-აზიისა; აგრეთვე სოხუმის ბაზა;

ვ) სამეცნიერო და სასწავლო დაწესებულებანი: საქარის სამეცნიერო-სა-ცდელი სადგური, ზონალური სადგური სკრაში, ბაკურციხის და ენისლის ტექნიკუმი.

4. დატოვებულ იქნას მევენახეობა-მეხილეობის საბჭოთა მეურნეობების ტრესტის „სამტრესტის“ შედგენილობაში მახარაძისა და ჩოხატაურის დამშაადებელი პუნქტები 1935 წ. აგვისტოს 1-მდე, რის შემდეგაც ეს პუნქტები გადაეცეს სათანადო სარაიონო აღმასრულებელ კომიტეტებს.

მიენდოს საქართველოს სსრ სახელმწიფო საგეგმო კომისიას ერთი თვის ვადაზე:

ა) დაადგინოს მახარაძისა და ჩოხატაურის სარაიონო აღმასრულებელი კომიტეტების მიერ სასყიდლის გაღების წესი და ვადები მათთვის გადასაცემი დამშაადებელი პუნქტების ქონებისათვის;

ბ) წარმოუდგინოს საქართველოს სსრ სახალხო კომისართა საბჭოს მოსაზრებანი ქუთაისის საქალაქო საბჭოსათვის სარაიონო დამშაადებელი პუნქტის (სარდაფითურთ) გადაცემის მიზანშეწონილობის შესახებ.

5. ღვინისა და ყურძნის დამშაადება საქართველოს სსრ-ის ყველა რაიონში, ამა დადგენილების მე-4 მუხლში აღნიშნული რაიონების გარდა, დაეკისროს მევენახეობა-მეხილეობის საბჭოთა მეურნეობების ტრესტს „სამტრესტს“, რომელსაც დაევალოს სარაიონო აღმასრულებელი კომიტეტების ყურძენგადამმუშავებელ საწარმოთათვის ნედლეულის მიწოდება საქართველოს სსრ ეკონომიური საბჭოს მიერ ყოველწლიურად დამტკიცებული ამ საწარმოთა საწარმოო გეგმების შესაბამისად.

6. მევენახეობა-მეხილეობის საბჭოთა მეურნეობების ტრესტსა და მეცხოველეობის საბჭოთა მეურნეობების ტრესტს შორის ძირითადი ქონებისა და სასაქონლო-სამატერიალო ფასეულობის განაწილება უნდა მოხდეს აქტივით და პასივით 1935 წ. იანვრის 1-ისთვის არსებული მდგომარეობის კვალობაზე, და ამ განაწილებას საფუძვლად უნდა დაედვას საბჭოთა მეურნეობების ტრესტის „სამტრესტის“ 1935 წ. იანვრის 1-ის პროვიზორული ბალანსი, ამ ბალანსის შემდგომი გაზუსტებით ტრესტის წლიური ანგარიშის მიხედვით.

დამტკიცებულ იქნას ძირითადი ქონებისა და სასაქონლო-სამატერიალო ფასეულობის გაყოფა, აქტივით და პასივით, ზემოაღნიშნულ ტრესტებს შორის 1935 წ. იანვრის 1-ის პროვიზორული ბალანსის მიხედვით ამასთანავე დართული ნუსხის თანახმად (იხ. დანართი).

7. საკუთარ საბრუნავ სახსართა რაოდენობა განისაზღვროს:

ა) მეცხოველეობის საბჭოთა მეურნეობების ტრესტისა—8.475.000 მან. თანხით, რაც იფარება ამ ტრესტის საბჭოთა მეურნეობების სასაქონლო-სამატერიალო ფასეულობით;

ბ) მევენახეობა-მეხილეობის საბჭოთა მეურნეობების ტრესტის „სამტრესტისა“—31.300.000 მან. თანხით (საიდანაც 28.000.000 მან. დაკრედიტებულია სახელმწიფო ბანკის მიერ).

მიენდოს სახელმწიფო ბანკის საქართველოს კონტორას შეამოწმოს რეორგანიზებული საბჭოთა მეურნეობების ტრესტის „სამტრესტის“ დაკრედიტებული სასაქონლო-სამატერიალო ფასეულობანი და, ამ ფასეულობათა გამორკვეული რაოდენობის შესაბამისად, გადაიტანოს ახლად მოწყობილი მეცხოველეობის საბჭოთა მეურნეობების ტრესტის საბჭოთა მეურნეობებზე სავეგმო სესხთა ხაზით დავალიანების სათანადო ნაწილი.

8. მთელი სასოფლო-სამეურნეო ინვენტარი, როგორც საბჭოთა მეურნეობების „სამტრესტის“ საწყობებში დაცული, ისე გვგმით მისაღები, განაწილებულ იქნას ახლად მოწყობილ ტრესტთა შორის, ამ ინვენტარის სამეურნეო დანიშნულებისა და საბჭოთა მეურნეობების სადარგო ხასიათის შესაბამისად.

9. საქართველოს სსრ მიწათმოქმედების სახალხო კომისარიატის მიერ წარმოდგენილი, ახლად მოწყობილი მევენახეობა-მეხილეობისა და მეცხოველეობის საბჭოთა მეურნეობების ტრესტთა აპარატების სტრუქტურა დადასტურებული იქნას.

დროებით, საქართველოს სსრ სამეურნეო ორგანიზაციების სტრუქტურისა და შტატების საერთო გადასინჯამდე, დამტკიცებულ იქნას ზემოაღნიშნული ტრესტების საშტატო კონტინგენტები შემდეგი რაოდენობით:

ა) მევენახეობა-მეხილეობის საბჭოთა მეურნეობების ტრესტის „სამტრესტისათვის“—135 ერთეული;

ბ) მეცხოველეობის საბჭოთა მეურნეობების ტრესტისათვის—66 ერთეული.

10. მიენდოს საქართველოს სსრ მიწათმოქმედების სახალხო კომისარიატს:

ა) გაანაწილოს ახლად მოწყობილ ტრესტებს შორის საბჭოთა მეურნეობების ტრესტის „სამტრესტის“ ქონება, რაც საბჭოთა მეურნეობების გარეშე (საწყობები, სახელოსნოები, ტრანსპორტი, დასვენების სახლები და სხვ.), აგრეთვე პურ-ფურაჟის რესურსები—დამტკიცებული პურ-ფურაჟის ბალანსით;

ბ) დაამტკიცოს ახლად მოწყობილი ტრესტების წესდებანი, საქართველოს სსრ ფინანსთა სახალხო კომისარიატთან მათი საწესდებო კაპიტალების რაოდენობის შეთანხმებით.

11. დაევალოს მეცხოველეობის საბჭოთა მეურნეობებისა და მევენახეობა-მეხილეობის საბჭოთა მეურნეობების ტრესტებს—დაამთავრონ 1935 წ. ივლისის 1- მდე მთლად მათ შედგენილობაში შემავალი ყველა საბჭოთა მეურნეობისა და საწარმოს სამეურნეო ანგარიშზე გადაყვანა.

საქ. სსრ ს.კ.ს-ოს თავმჯდომარე გ. მგალობლიშვილი.

საქ. სსრ ს.კ.ს-ოს საქმეთა მმართველი ა. ქავთარაძე.

1935 წ. აპრილის 13. № 480.

ტფილისი.

ნ უ ს ხ ა

1935 წლის პროვიზორული ბალანსით ძირითადი ქონების და სასაქონლო-სამატერიალო ფასეულობის განაწილებისა მევენახეობა-მეღვინეობის საბჭოთა მეურნეობების ტრესტს „სამტრესტსა“ და მეცხოველეობის მეურნეობების ტრესტს შორის.

	„სამტრესტი“	მეცხოველეობის საბჭოთა მეურნეობების ტრესტი
ა ქ ტ ი ვ ი .		
1. ძირითადი სახსარი	84.471	33.829
2. საკუთარი საბრუნავი სახსრით დასაფარავი აქტივები	31.301	8.475
3. სხვა აქტივები	55.536	9.678
აქედან ანგარიშები	14.220	1.580
4. გეგმითი ზარალი	—	2.280
ვ ა ს ი ვ ი .		
1. ძირითად სახსართა იმობილი აქტივების დაფარვის წყაროები	84.471	33.829
აქედან: საწესდებო ფონდები	58.926	30.609
საამორტიზაციო ფონდები	8.645	1.955
2. ნორმალიზებული სასაქონლო-სამატერიალო ფასეულობათა დაფარვის წყაროები	31.301	8.475
აქედან: საწესდებო ფონდები	1.808	6.543
სახელმწიფო ბანკი	28.036	—
3. სასაზონო მატერიალური ფასეულობის და სხვა აქტივების დაფარვის წყაროები	70.022	9.678
აქედან: სახელმწიფო ბანკი სესხის ხაზით	42.007	6.903
კრედიტორები	17.680	2.120

კომუნალური და საბინაო მეურნეობა

76. დადგენილება ც.ა.კ. და ს.კ.ს.

საბინაო-საიჯარო კოოპერაციის სახლთმეურნეობებში სამეურნეო ანგარიშის საფუძვლების განმტკიცებისა და სახსართა შექმნის და ხარჯვის წესის შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

1. შეწყვეტილ იქნას 1935 წლის იანვრის 1-დან კომუნალური ორგანოების მიერ საბინაო-საიჯარო კოოპერატიულ ამხანაგობათათვის იმ საცხოვრებელი შენობების საიჯარო ქირის გადახდევინება, რაც მათ გადაცემული აქვთ საექსპლოატაციოდ ხელშეკრულების საფუძველზე.

2. რათა საბინაო-საიჯარო კოოპერატიულ ამხანაგობათა სახლებში უზრუნველყოფილ იქნას კაპიტალური რემონტის ნორმალური წარმოება, აგრეთვე კულტურულ-საყოფაცხოვრებო დაწესებულებათა მშენებლობა და გაწყობა და საბინაო-კოოპერატიულ მომუშავეთა კადრების მომზადება, შეიქმნას საბინაო კოოპერაციის კაპიტალების შედგენილობაში შემდეგი მიზნობრივი ფონდები:

ა) კაპიტალური რემონტის ფონდი, რომელიც შეიქმნება თვითეული საბინაო-საიჯარო კოოპერატიული ამხანაგობის კაპიტალების შედგენილობაში ამ ამხანაგობის საერთო შემოსავლის ყოველთვიური ანარიცხების გადადებით: ქვის შენობებისათვის—სამშენებლო ღირებულების 0,5%-დან 1%-მდე და ხისა და შერეული შენობებისათვის—სამშენებლო ღირებულების 1%-დან 2%-მდე;

ბ) კულტურულ-საყოფაცხოვრებო დაწესებულებათა (საბავშვო ბაგები, სამრეცხაოები, სასადილოები, წითელი კუთხეები და სხვ.) მშენებლობისა და გაწყობის ფონდი და საბინაო-კოოპერატიულ მომუშავეთა კადრების მომზადების ფონდი, რომლებიც შეიქმნება საბინაო კოოპერაციის პირველადი საკავშირო რგოლულის შედგენილობაში (საბინაო კოოპერაციის საქალაქო კავშირის, ხოლო იმ ქალაქებში, რომელთაც სარაიონო საბჭოები ჰყავთ,—სარაიონო კავშირის) საბინაო ქირის სპეციალური ანარიცხებისაგან: პირველისათვის—9% რაოდენობით და მეორისათვის—1% რაოდენობით.

გ. გარდა მე-2 მუხლში აღნიშნული ფონდებისა, საბინაო კოოპერაციის პირველადი რგოლულის (საქალაქო საბინაო კავშირში, ხოლო იმ ქალაქებში, რომელთაც სარაიონო საბჭოები ჰყავთ,—სარაიონო საბინაო კავშირში) კაპიტალების შედგენილობაში დაწესებულ იქნას რეგულირების ფონდი, რომელიც შეიქმნება მე-4 მუხლის „ბ“ პუნქტში აღნიშნული თანხებისაგან და დანიშნული იქნება მხოლოდ კაპიტალური რემონტის ხარჯებისათვის მცირე შემოსავლიან საბინაო-საიჯარო კოოპერატიულ ამხანაგობებში.

4. დაწესებულ იქნას საბინაო-საიჯარო კოოპერატიულ ამხანაგობათა სახეობებში არსებული არასაცხოვრებელი სადგომების (სავაქრო-სასაწყობო, საწარმოო, საკონტორო-საკანცელარიო და სხვ.) საიჯარო ქირის საერთო შემოსავლის შემდეგი განაწილება:

- ა) 50% მიიქცევა ადგილობრივ (საქალაქო, სასოფლო) ბიუჯეტში;
- ბ) 45% გადადის საბინაო კოოპერაციის საქალაქო (სარაიონო) კავშირის რეგულირების ფონდში;
- გ) 5% გადადის საბინაო-საიჯარო კოოპერატიული ამხანაგობის განკარგულებაში.

5. ყველა სახის არასაცხოვრებელი სადგომების (სავაქრო, სავაქრო-სასაწყობო, საწარმოო, საკონტორო-საკანცელარიო და სხვ.) მოიჯარე, გარდა საიჯარო ქირისა, ყოველთვიურად გადაუხდის საბინაო-საიჯარო კოოპერატიულ ამხანაგობას, პროპორციულად მის მიერ დაქვრილი არასაცხოვრებელი ფართობისა, ამხანაგობის ფაქტიურ ხარჯს შენობის მმართველობის, ექსპლოატაციისა და რემონტის საქმეში.

6. დაწესებულ იქნას, რომ საბინაო-საიჯარო კოოპერატიული ამხანაგობის საადმინისტრაციო-სამმართველო ხარჯი არ უნდა აღემატებოდეს 6 კაპიკს საცხოვრებელი ფართობის 1 კვადრატულ მეტრზე თვეში.

7. საბინაო კოოპერაციის საკავშირო რგოლულებების შესანახად საბინაო-საიჯარო კოოპერატიული ამხანაგობანი ყოველთვიურად გადარიცხავენ და გადასცემენ უახლოეს ზემდგომ საკავშირო რგოლულს (საქალაქო, სარაიონო საბინაო კავშირს) 2 კაპიკს საცხოვრებელი ფართობის თვითეულ კვადრატულ მეტრზე.

8. საშემოსავლო-საგასავლო ხარჯთაღრიცხვებს და სარემონტო სამუშაოების გეგმებს განიხილავენ საქალაქო (სარაიონო) საბინაო კავშირები, კომუნალური მეურნეობის ორგანოებთან ერთად, და ეს ხარჯთაღრიცხვები და გეგმები ჯუშმლობრივ წარედგინება დასამტკიცებლად საქალაქო საბჭოებს.

9. საბინაო კოოპერაციის საქალაქო (სარაიონო) კავშირები წარუდგენენ სათანადო კომუნალურ და საფინანსო ორგანოებს კვარტალურ ანგარიშებს რეგულირების ფონდების ხარჯვის შესახებ.

10. დაევალოს საქართველოს სსრ კომუნალური მეურნეობის სახალხო კომისარიატს და საბინაო კოოპერაციის კავშირს ერთი თვის ვადაზე:

ა) შეიმუშაონ და განახორციელონ ღონისძიებანი საბინაო კოოპერაციის საშუალო და ძირეული რგოლულების (საქალაქო და სარაიონო კავშირები და საბინაო-საიჯარო კოოპერატიული ამხანაგობანი) საწარმოო და სამეურნეო მუშაობის გასაქლიერებლად, რისთვისაც უნდა შევიწროვდეს ზემდგომი რგოლულების ოპერატიული ფუნქციები და ამით მიეცეს ძირეულ და საშუალო რგოლულებს მეტი თვითმოქმედების საშუალება;

ბ) შეამოწმონ საანგარიშო კონტორების მუშაობა, რათა გაძლიერდეს შრომისუნარიანობა, გამარტივდეს საანგარიშო მუშაობა და დაჩქარდეს საბინაო-საიჯარო კოოპერატიულ ამხანაგობათა ანგარიშგების წარდგენა.

11. წინადადება მიეცეს საქალაქო საბჭოებს და სარაიონო აღმასრულებელ კომიტეტებს იხმარონ ლანისძიებანი, რათა გადაჭრით ლიკვიდირებულ იქნას მოკმედი კანონმდებლობისა და საბინაო-საიჯარო კოოპერაციის უფლებების დარღვევა (კულტურულ-საყოფაცხოვრებო დაწესებულებათა საცხოვრებელი ფართობისა და სადგომების უკანონო ჩამორთმევა, საბინაო-კოოპერატიულ ამხანაგობათა ლიკვიდაცია საადმინისტრაციო წესით და სხვ.), და პასუხისგებაში მისცენ ის პირები, რომელნიც არღვევენ რევოლუციურ კანონიერებას საბინაო მეურნეობის სფეროში.

დაევალოს იუსტიციის სახალხო კომისარიატს მისცეს პროკურატურის ორგანოებს შიტითებანი საბინაო-საიჯარო კოოპერაციის უფლებათა დარღვევის გამო აღძრული საქმეების სასწრაფოდ განხილვისათვის,

12. დაევალოს საქართველოს სსრ კომუნალური მეურნეობის სახალხო კომისარიატს, საქართველოს სსრ ფინანსთა სახალხო კომისარიატთან და საბინაო კოოპერაციის კავშირთან შეთანხმებით, გაზოსცეს ინსტრუქცია ამა დადგენილების შეფარდებისათვის და აგრეთვე საშემოსავლო-საგასავლო ხარჯთაღრიცხვა და ტიპური ხელშეკრულება საცხოვრებელი სადგომების იჯარის შესახებ.

13. გაუქმებულ იქნას:

ა) სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1933 წლის აპრილის 14-ის დადგენილება „მცირეძალოვან საბინაო-საიჯარო კოოპერატიულ ამხანაგობათა დაფინანსების სპეციალური საქალაქო ფონდების შექმნის შესახებ“ (საქ. სსრ კან. კრ. 1933 წ. 12 №-ი, მუხ. 160);

ბ) „ადგილობრივი საბჭოების ქონებისათვის მიკუთვნებულ საცხოვრებელ შენობათა საიჯარო ჭირის განაკვეთების სანიმუშო დიფერენცირებული შეკლის შესახებ“ გამოცემული სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1931 წლის აგვისტოს 18-ის დადგენილების მე-3 მუხლის შენიშვნა (საქ. სსრ. კან. კრ. 1933 წ. 12 №-ი, მუხ. 160, კარი III);

გ) მუნიციპალიზებული საბინაო ფონდის სამეურნეო ანგარიშზე გადაყვანასთან და სახლთა ტრესტების და საბინაო-საიჯარო კოოპერატიული ამხანაგობების დაწვრილებასთან დაკავშირებულ ღონისძიებათა შესახებ“ გამოცემული საქართველოს სსრ სახალხო კომისართა საბჭოს 1932 წლის თებერვლის 14-ის დადგენილების მე-4 მუხლი (საქ. სსრ კან. კრ. 1932 წ. მე-4 №-ი, მუხ. 40).

სრ. საქ. ც. ა. კ.ის თავმჯდომარე ფ. შახარაძე.

საქ. სსრ ს. კ. ს-ის თავმჯდომარე გ. მგალობლიშვილი.

სრ. საქ. ც. ა. კ.ის მდივანი თ. ფლენტი.

ფ ი ნ ა ნ ს ე ბ ი

77. დადგენილება ს.კ.ს.

77.3

ამიერკავკასიის სატყეო-სატექნიკო ინსტიტუტისათვის და ტფილისის სატყეო-სატრანსპორტო ტექნიკუმისთვის გრძელვადიან სარგებლობაში გადაცემული ტყის ფართობებიდან მიღებული სატყეო შემოსავლის გამოყენების წესის შესახებ.

„თვითდამზადებისათვის გაცემული ძირეული ტყის საფასურის გადახდის შესახებ“ გამოცემული სსრ კავშირის ცენტრალური აღმასრულებელი კომიტეტისა და სახალხო კომისართა საბჭოს 1932 წლის იანვრის 3-ის დადგენილები (სსრკ კან. კრ. 1932 წ. № 1, მუხ. 3) შესაბამისად, საქართველოს სსრ სახალხო კომისართა საბჭო აღდგენს:

1. გადაცემულ იქნას ამიერკავკასიის სატყეო-სატექნიკო ინსტიტუტისა და ტფილისის სატყეო-სატრანსპორტო ტექნიკუმის განკარგულებაში კუთვნილები-სამებრ ყველა სატყეო შემოსავალი, მიღებული ამ სასწავლებელთათვის გრძელვადიან სარგებლობაში გადაცემული ტყის ფართობებიდან

2. აღნიშნული სატყეო შემოსავალი მთლიანად ხმარდება გამოყოფილ ფართობებზე სატყეო მეურნეობის წარმოების ღონისძიებათა ჩატარების საქმეს, ტყის მრეწველობის სახალხო კომისარიატის სათანადო ორგანოთა მიერ დამტკიცებული გეგმების მიხედვით.

3. კონტროლი სატყეო შემოსავლის სწორი გამოანგარიშებისა და ამ შემოსავლის მიზნობრივი დანიშნულებისამებრ გამოყენების სფეროში დაეკისროს საქართველოს სსრ ფინანსთა სახალხო კომისარიატს.

საქ. სსრ ს.კ.ს.-ის თავმჯდომარე გ. შვალაძე-შვილი.

საქ. სსრ ს.კ.ს.-ის საქმეთა მმართველი ა. ქავთარაძე.

1935 წ. იანვრის 4. № 13.

ტფილისი.

78. დადგენილება ც.ა.კ. და ს.კ.ს.

1935 წელს სრულიად საკავშირო სააქციო საზოგადოება „ინტურისტის“ ყველა ადგილობრივი გადასახადისა და გამოხალებისაგან განთავისუფლების შესახებ.

„სრულიად საკავშირო სააქციო საზოგადოება „ინტურისტისთვის“ გადასახადო შეღავათების მინიჭების შესახებ“ გამოცემული სსრ კავშირის ცენტრალური აღმასრულებელი კომიტეტის პრეზიდიუმის 1935 წ. თებერვლის 28-ის



დადგენილებების თანახმად, სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

1. განთავისუფლებულ იქნას 1935 წელს სრულიად საქავშირო სააქციო საზოგადოება „ინტურისტის“ საწარმონი, რომლებიც საქართველოს სსრ-ისა და მის შედგენილობაში შემავალი ავტონომიური რესპუბლიკების და ავტონომიურ ოლქის ტერიტორიაზეა, ყველა ადგილობრივი გადასახადისაგან და გამოსაღებისაგან.

2. წინადადება მიეცეს ყველა საქალაქო საბჭოს და სარაიონო აღმასრულებელ კომიტეტს დაუბრუნოს სააქციო საზოგადოება „ინტურისტს“ ყველა ის თანხა, რაც გადახდევინებულია 1935 წ. იანვრის 1-დან ადგილობრივი გადასახადისა და გამოსაღების სახით 1935 წლისათვის, გარდა იმ თანხებისა, რომლებიც გათვალისწინებულ იყო პროდუქციის საგასაცემო ფასებისა და მომსახურების გაწევის კალკულაციით, და რომლებიც უკვე გადახდათ მომხმარებელთ.

სრ. საქ. ც.ა.კ-ის თავმჯდომარე ფ. შახარაძე.
საქ. სსრ ს.კ.ს-ოს თავმჯდომარე გ. მაგალოზლიშვილი.
სრ. საქ. ც.ა.კ-ის მდივანი თ. უღენტაი.

1935 წ. მარტის 29. № 21/422.
ტფილისი.

შ რ მ მ ა

79. დადგენილება ც.ა.კ. და ს.კ.ს.

Handwritten notes:
ქ/ქ
12/10 90
იქნა 48
12/10 47

სტიქიურ უბედურებასთან საბრძოლველად შრომის ბეგარის დაწესების თაობაზე გამოცემული დადგენილების 18 მუხლისათვის „ე“ პუნქტისა და მეორე ნაწილის დამატების შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

სტიქიურ უბედურებასთან საბრძოლველად შრომის ბეგარის დაწესების შესახებ 1932 წლის მაისის 13-ის გამოცემული დადგენილების (საქ. სსრ კან. კრ. 1932 წ. 16 №-ი, მუხ. 127) 18 მუხლს დაემატოს:

- 1) პუნქტი „ე“ შემდეგი შინაარსისა:
 - [18. შრომის საქაპანზიდვო ბეგარაზე არ შეიძლება გამოყენებულ იქნას:]
 - „ე) მაკე ჭაკი ცხენი ორი თვის განმავლობაში კვიცის მოგებამდე და ერთი თვის განაუვლობაში კვიცის მოგების შემდეგ“;



2) მეორე ნაწილი შემდეგი შინაარსისა:

„არ შეიძლება გამოყენებულ იქნას მძიმე საპუშაოზე ხნოვანობით 3 წლისაზე მცირე ცხენი, მაკე ჭაკი ცხენი 5 თვის განმავლობაში კვიციის მოგებამდე და ჭაკი ცხენი, რომელსაც ჰყავს ძუძუმწოვარა კვიცი 3 თვის ხნოვანობამდე“.

სრ. საქ. ც.ა.კ-ის თავმჯდომარე ფ. მახარაძე.
საქ. სსრ ს.კ.ს-ის თავმჯდომარის მოადგ. ბ. მღვიანი.
სრ. საქ. ც.ა.კ-ის მღვიანი თ. ჟღენტო.

1935 წ. მარტის 29. № 29/278.
ტფილისი.

გ ა ნ ა თ ლ ე ბ ა

80. დადგინდება ც.ა.კ. და ს.კ.ს.

Handwritten signature and date: 12/10/35

ბავშთა შორის სკოლაგარეშე კულტურულ-მასობრივი მუშაობის შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო აღნიშნავენ ბავშთა შორის სკოლაგარეშე კულტურულ-მასობრივი და აღმზრდელობითი მუშაობის არადაკმაყოფილებელ მდგომარეობას.

ახალი თაობის კომუნისტური აღზრდის საქმის ამ მეტად მნიშვნელოვანი მხარის ჩამორჩენა უპირველეს ყოვლისა იმით აიხსნება, რომ სახალხო განათლების ორგანოები, კულტურულ-საგანმანათლებლო დაწესებულებანი, საბჭოები და აღმასრულებელი კომიტეტები, საწარმონი და კოლმეურნეობანი, პროფესიონალური და კომკავშირის ორგანიზაციები, საბინაო-საიჯარო კოოპერატიული ამხანაგობანი, კოოპერაცია და სსსპორტო ორგანიზაციები უმოქმედობას იჩენენ ბავშთა შორის სკოლაგარეშე კულტურულ-მასობრივი მუშაობის საქმეში და ამ მუშაობას სათანადოდ ვერ აფასებენ.

რათა აღნიშნული ნაკულუოვანებანი დაუყოვნებლივ თავიდან აცილებულ იქნას და ბავშთა შორის სკოლაგარეშე კულტურულ-მასობრივი მუშაობა აყვანილ იქნას კომუნისტური აღზრდის ამოცანების სიძალღეზე, სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

1. წინადადება მიეცეს აფხაზეთისა და აჭარისტანის ავტონომიური რესპუბლიკებისა და სამხრეთ ოსეთის ავტონომიური ოლქის ცენტრალურ აღმასრულებელ კომიტეტებს, სარაიონო აღმასრულებელ კომიტეტებს და საქალაქო საბჭოებს, მათი თავმჯდომარეების პირადი პასუხისმგებლობით, მასწავლებლობისა, კომკავშირის და პიონერთა ორგანიზაციებისა და მშრომელთა აქტიური მონაწილეობით, მოაწყონ ქალაქისა და სოფლის დაწესებულებათს, არასრულ საშუალო

და საშუალო სკოლებთან საბავშვო ბიბლიოთეკები, საკლუბო ოთახები, სპორტო მოედნები, უზრუნველყონ მოსწავლეთა თვითმოქმედი წრეების, ტექნიკური და ავიო-მოდელების წრეების ორგანიზაცია, მოაწყონ ქალაქებსა და სარაიონო ცენტრებში სასპორტო ბაზები, ახალგაზრდობის კულტურის სახლები, სარაიონო საბავშვო ბიბლიოთეკები და ტექნიკური სადგურები, რისთვისაც ფართოდ გამოიყენონ საბჭოთა მოწინავე ქალაქების გამოცდილება, და აგრეთვე მიჰმართონ ახალგაზრდობის კულტმომსახურეობის სხვა ფორმებს.

წინადადება მიეცეს საქართველოს სსრ ფინანსთა სახალხო კომისარიატს— ასახოს ადგილობრივ ბიუჯეტში 1935 წლიდან აღნიშნული ღონისძიების სათანადო დაფინანსება, ხოლო საქართველოს სსრ განათლების სახალხო კომისარიატს— გამოიყენოს სხვადასხვა ორგანიზაციების მატერიალური მონაწილეობა და მოსახლეობის ნებაყოფლობითი ინიციატივა.

2. წინადადება მიეცეს საქალაქო საბჭოებს: ა) უზრუნველყონ ბავშვთა შორის კულტურულ-მასობრივი მუშაობის სათანადოდ დაყენება საბინაო-საიჯარო კოოპერატიულ ამხანაგობებსა და მუშათა საერთო საცხოვრებლებში, რისთვისაც გამოიყენონ თვით საბინაო-საიჯარო კოოპერატიულ ამხანაგობათა, საწარმოთა და მშრომელთა ინიციატივა და აქტიური მონაწილეობა; ბ) მუშათა სახლების მშენებლობის დროს სავალდებულო წესით გაითვალისწინონ ბავშვთა სკოლაგარეშე დაწესებულებების უზრუნველყოფა სათანადო სადგომებით და გაწყობილობით, თანახმად საქართველოს სსრ განათლებას სახალხო კომისარიატის წინადადებისა.

3. დაევალოს საქართველოს სსრ განათლების სახალხო კომისარიატს, საქართველოს პროფესიონალურ კავშირთა საბჭოსთან ერთად, ორი დეკადის ვადაზე დაამუშაოს საკითხი არსებული კლუბებისა, კულტურის სახლებისა, სასპორტო მოედნებისა, დარბაზებისა და სხვ. ბავშვთა კულტმომსახურეობის საქმეში მონაწილეობის შესახებ და განახორციელოს ეს მონაწილეობა, რისთვისაც გამოყოს სპეციალური დღეები და საათები და უზრუნველყოს სათანადო ხელმძღვანელობა.

4. წინადადება მიეცეს ყველა უწყებასა და ორგანიზაციას, რომლის გამგებლობაშიაც არის კინო, თეატრი, სათეატრო დარბაზი და სხვ., გაითვალისწინოს თავის გეგმაში სისტემატური მონაწილეობის მიღება ბავშვთა კულტურული მომსახურეობის საქმეში სკოლის აღმზრდელობითი მიზნებისათვის შესაფერისი დადგმებით და კინო-ფილმებით ისე, რომ ამ დადგმებისა და კინო-ფილმების ფასი ხელმისაწვდომი იყოს.

დაევალოს საქართველოს სსრ განათლების სახალხო კომისარიატს და მის ადგილობრივ ორგანოებს-უზრუნველყონ კულტურულ-განმანათლებელ დაწესებულებებში ბავშვთა ორგანიზებული სიარული უსათუოდ მასწავლებელთა ხელმძღვანელობით.

5. დაევალოს საქართველოს საბჭოთა მწერლების კავშირს, ხელოვნებიკ მუშაკთა კავშირს და განათლების მუშაკთა კავშირს, ყველა მუსიკალურ და სა-

მხატვრო ორგანიზაციას და სამეცნიერო დაწესებულებას, საქართველოს სახალხო კომისარიატთან და საქართველოს კომკავშირის ცენტრალურ კომიტეტთან ერთად, 1935 წ. აპრილის 15-მდე შეიმუშაონ კონკრეტული გეგმა თავისი მონაწილეობისა ბავშვთა კულტომოსახურების მუშაობაში.

6. წინადადება მიეცეს საქართველოს სსრ მიწათმოქმედების სახალხო კომისარიატს, საქართველოს სსრ განათლების სახალხო კომისარიატთან და საქართველოს კომკავშირის ცენტრალურ კომიტეტთან ერთად, ორი დეკადის ვადაზე დაამუშაოს საკითხი ქალაქებსა და სარაიონო ცენტრებში ახალგაზრდობის აგრობიოლოგიური სადგურების მოწყობის შესახებ, თანაც გამოიყენოს ამ საქმეში საბჭოთა მეურნეობების და კოლმეურნეობების შესაძლებლობანი და აგროტექნიკური ძალები.

7. წინადადება მიეცეს საქართველოს სსრ განათლების სახალხო კომისარიატს და მის ადგილობრივ ორგანოებს ერთი თვის ვადაზე შეიმუშაონ და წარუდგინონ დასამტკიცებლად სათანადო საქალაქო საბჭოებს ბავშვთა შორის სკოლაგარეშე მუშაობის ხაზით ქალაქის ბულვარების, მოედნებისა და ბაღების გამოყენების გეგმა, ამასთან გაითვალისწინონ გეგმაში სათანადო გაწყობილობა.

8. წინადადება მიეცეს საქართველოს სსრ განათლების სახალხო კომისარიატს მოაწყოს ტფილისში ბავშვთა მხატვრული აღზრდის სახლი. საქართველოს სსრ ფინანსთა სახალხო კომისარიატმა უნდა უზრუნველყოს აღნიშნული ღონისძიების განხორციელება სათანადო დაფინანსებით 1935 წლის საბიუჯეტო წლიდან.

9. წინადადება მიეცეს საქართველოს სსრ განათლების სახალხო კომისარიატს არა უგვიანეს 1935 წლის მაისის 1-ისა დაამუშაოს საკითხი 1935/36 წელს ნორჩ მკურებელთა თეატრის ქსელისა და სკოლების კინოფიკაციის და რადიოფიკაციის გაფართოების შესახებ და წარმოუდგინოს დასამტკიცებლად საქართველოს სსრ სახალხო კომისარიატს საბჭოს.

10. წინადადება მიეცეს საქართველოს სახელმწიფო გამომცემლობას, საქართველოს სსრ განათლების სახალხო კომისარიატთან შეთანხმებით, ორი დეკადის ვადაზე დაამუშაოს და წარმოუდგინოს საქართველოს სსრ სახალხო კომისარიატს საბჭოს 1935 წ. საბავშვო გამომცემლობის გეგმა (მხატვრული და სამეცნიერო პოპულარული ლიტერატურა და პერიოდიული გამოცემანი).

11. წინადადება მიეცეს საქართველოს ფიზკულტურის უმაღლეს საბჭოს და წყლის ტრანსპორტის განვითარების დამხმარე საზოგადოებას, საქართველოს სსრ განათლების სახალხო კომისარიატთან ერთად, ერთი თვის ვადაზე დაამუშაოს ყველა სასპორტო ორგანიზაციასთან საბავშვო სექციების მოწყობის გეგმა და წარმოუდგინოს იგი დასამტკიცებლად საქართველოს სსრ სახალხო კომისარიატს საბჭოს.

12. წინადადება მიეცეს საქართველოს სსრ პროლეტარული ტურიზმისა და ექსკურსიების საზოგადოებას მოაწყოს პროლეტარული ტურიზმისა და ექსკურსიების საბავშვო სექციები.

13. რათა სკოლაგარეშე კულტურულ-მასობრივი მუშაობა ბავშვთა შორის სათანადო სიმაღლეზე იქნას დაყენებული, ყველა დაწყებითს, არასრულ საშუალო სკოლაში, სადაც მოსწავლეთა რიცხვი 300-ზე მეტია, დაწესებულ იქნას სკოლაგარეშე მუშაობის პედაგოგთა შტატი.

14. წინადადება მიეცეს ყველა სკოლის დირექტორს (გამგეს) სასწავლო წლის განმავლობაში პეცადინეობისაგან თავისუფალ დროს მოაწყოს ხოლმე ბავშვთა დღესასწაულები, თვითმოქმედი მხატვრული საღამოები და სხვ., თანაც უზრუნველყოს მშობლებისა და სასკოლო ორგანიზაციების აქტიური მონაწილეობა ამ საქმეში.

15. ბავშვთა შორის სკოლაგარეშე მუშაობის საორგანიზაციო-სამეთოდო ხელმძღვანელობის გაძლიერების მიზნით, მოეწყოს საქართველოს სსრ განათლების სახალხო კომისარიატთან სკოლაგარეშე მუშაობის განყოფილება.

16. დაევალოს ა/კსფსრ-ის შინაგან საქმეთა სახალხო კომისარიატის სამმართველოს საქართველოს სსრ-ში ერთი დეკადის ვადაზე აღკვეთის ქუჩებში მოსწავლეთა საწვრილმანო ვაჭრობის შემთხვევები, გამოარკვიოს ვაჭრობაში შემჩნეულ ბავშვთა მშობლები და შეუთარდოს მათ მოქმედი კანონმდებლობით გათვალისწინებული გადასახდელი.

სრ. საქ. ც.ა.კ-ის თავმჯდომარე ფ. შახარაძე.

საქ. სსრ ს.კ.ს-ის თავმჯდომარის მოადგ. ბ. მღვიანი.

სრ. საქ. ც.ა.კ-ის მღვიანი თ. ჟღენტი.

1935 წ. მარტის 29. № 23/282.

ტფილისი.

სისხლის სამართალი

81. დადგენილება ც.ა.კ. და ს.კ.ს.

„არასრულწლოვანთა შორის დანაშაულობასთან ბრძოლის ღონისძიებათა თაობაზე“ გამოცემულ, სსრ კავშირის ცენტრალური აღმასრულებელი კომიტეტისა და სახალხო კომისართა საბჭოს 1935 წ. აპრილის 7-ის დადგენილებასთან დაკავშირებით საქართველოს სსრ სისხლის სამართლის კოდექსში ცვლილებათა შეტანის შესახებ.

„არასრულწლოვანთა შორის დანაშაულობასთან ბრძოლის ღონისძიებათა შესახებ“ გამოცემული, სსრ კავშირის ცენტრალური აღმასრულებელი კომიტეტისა და სახალხო კომისართა საბჭოს 1935 წ. აპრილის 7-ის დადგენილების შესაბამისად (სსრკ ცენ.აღმ. კ-ტის „იხვესტიას“ 84 №-ი 1935 წ. აპრილის 8-ისა,

სრულიად საქართველოს ცენტრალური აღმასრულებელი კომიტეტი და ველოს სსრ სახალხო კომისართა საბჭო აღგენენ:

საქართველოს სსრ სისხლის სამართლის კოდექსში (1933 წლის გამოცემა) შეტანილ იქნას შემდეგი ცვლილება:

1. მე-11 მუხლის პირველი ნაწილი მიღებულ იქნას შემდეგი რედაქციით:

„სამკურნალო-საპედაგოგიკო ხასიათის სოციალური დაცვის ღონისძიება აუცილებლად შეეფარდება მკირეწლოვანს 12 წლამდე. ესევე ღონისძიება შეეფარდება, ამა კოდექსის მე-11¹ მუხლით გათვალისწინებული შემთხვევების გარდა, იმ არასრულწლოვანს 12-დან 16 წლამდე, რომლისთვისაც არასრულწლოვან სამართალდამრღვევთა საქმეების კომისია საქარისად მიიჩნევს სამკურნალო-საპედაგოგიკო ხასიათის ღონისძიებას, სამართაოში მიუცემლად“.

2. მე-11 მუხლის მეორე ნაწილში სიტყვები: „13-დან 16 წლამდე“ შეიცვალოს სიტყვებად: „12-დან 16 წლამდე“.

3. მე-11 მუხლის მესამე ნაწილი გაუქმებულ იქნას.

4. დამატოს კოდექსს მე-11¹ და 82¹ მუხლები შემდეგი შინაარსისა:

„11¹. არასრულწლოვანი 12 წლის ასაკიდან, მხილებული ქურდობაში, ძალადობაში, სხეულის დაზიანებაში, დაშავებაში, მკვლელობაში ან მკვლელობის ცდაში, პასუხს აგებს სასამართლო წესით სისხლის სამართლის სასჯელის ყველა ღონისძიების (სასამართლო-გამასწორებელი) შეფარდებით საერთო საფუძველზე“.

„82¹. არასრულწლოვანის წაქეზება სხვადასხვა დანაშაულისათვის ან დანაშაულში ჩაბმა, აგრეთვე არასრულწლოვანის იძულება სპეკულაციისათვის, პროსტიტუციისათვის, მათხოვრობისათვის და სხვა მისთ. გამოიწვევს თავისუფლების აღკვეთას არა ნაკლებ ხუთი წლისა“.

5. ამოიშალოს:

ა) 166 მუხლის მეორე ნაწილიდან სიტყვები: „აგრეთვე შეილის იძულება მათხოვრობისათვის“;

ბ) 172 მუხლის მეორე ნაწილიდან სიტყვები: „ან სრულწლოვანობას არ იყო მიღწეული“.

სრ. საქ. ც. ა. კ-ის თავმჯდომარე ფ. მახარაძე.

საქ. სსრ ს. კ. ს-ოს თავმჯდომარე გ. მაგალობლიშვილი.

სრ. საქ. ც. ა. კ-ის მდივანი თ. ულენტი.

1935 წ. აპრილის 20. № 31/496.

ტფილისი.

გამოქვეყნებულია გაზ. „კომუნისტის“ 95 №-ში 1935 წ. აპრილის 22.

82. დადგენილება ც.ა.კ. და ს.კ.ს.

სამხედრო დანაშაულთა დებულების (სისხლის სამართლის კოდექსის დანართი) I-ლი მუხლის შეცვლის შესახებ.

სამხედრო დანაშაულთა დებულების მოქმედების სამოქალაქო საპაერო ფლოტის თავმდგომთა შედგენილობის პირებზე გავრცელების შესახებ გამოცემული სსრ კავშირის ცენტრალური აღმასრულებელი კომიტეტისა და სახალხო კომისართა საბჭოს 1934 წლის დეკემბრის 7-ის დადგენილების შესაბამისად (სსრკ კან. კრ. 1935 წ. 1 №-ი, მუხ, 4), სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

სამხედრო დანაშაულთა დებულების 1-ლი მუხლის მეორე ნაწილში (სისხლის სამართლის კოდექსის დანართი—საქ. სსრ კან. კრ. 1934 წ. 19 №-ი, მუხ. 170) შემდეგ სიტყვებისა: „წყალქვეშა სამუშაოების ექსპედიციის („ებრონი“) მომუშავე“ ჩაებატოს სიტყვები: „სამოქალაქო საპაერო ფლოტის თავმდგომთა შედგენილობის პირი“.

სრ. საქ. ც. ა. კ-ის თავმჯდომარე ფ. მახარაძე.

საქ. სსრ ს. კ. ს-ოს თავმჯდომარის მოადგ. ბ. მდივანი.

სრ. საქ. ც. ა. კ-ის მდივანი თ. უღენტე.

1935 წ. მარტის 29. № 15/277.

ტფილისი.

ფახი 40 კაბ.

გამომცემელი	საქ. სსრ ს. კ. ს-ის საქმ. მმართველობა	1935 წ. № 27. პ/მ. რედაქტორი ე. გამრეკელი
ჭაღალდის ფორმატი	62x94 სანტ.; 1 1/4 ბეჭდვ. ფურც.; 1 ბეჭდვ. ფურც. 48.500 სტამბ. ნიშანი	
ბადეცა სტამბას	4/V;	ხელმოწერილია დასაბეჭდად 31 /V; ტირაჟი 1.800
მთავლ. რწმ. ს.—№	8743. საქ. სსრ სახ. კომ. საბჭოს სტამბა.	შეკვ. № 696